

अपनी बिरज, अपनी भासा बिरज भासा पतरिका

जुलाई ते सितम्बर-2019



सूविचार

1. दया बू बोली ऐ जाय बहरे सुन सकैं और अंधे देख सकैं।
2. बे सबते जादा खुस रहमें जो सदां दूसरेन की मदद करें।
3. इंसान जितेक सीधे स्वभाव ते सलाह दैबै, इतने भोलेपन ते और कछू ना दैबै।
4. सिक्छा बा सेरनी कौ दूध ऐ, जो जितनौ पिबैगौ बू उतनौ ही दहाडैगौ।

तईयार करबे बारे:-

जगदीश चन्द नैहचैनिया और सतवीर चौधरी

मदत करबे बारे:-

मुकेश कुमार योगी, रतन लाल योगी और कविता योगी



सरकारी योजना (राजस्थान बेरोजगारी भत्ता)

राजस्थान सरकार नै ऐसे पढे-लिखे बेरोजगार जिन्ने अर्भई तक कोई नौकरी या काम धंधौ ना मिलौ है उन काजें सरकार नै बेरोजगारी भत्ता योजना चलाई है। बेरोजगारी योजना काजें मुख्य बिन्दु-

- . आवेदक राजस्थान कौ रहबे बारौ हौनौ चहियै।
- . उमर 21 साल ते 35 बरस तक हौनी चहियै।
- . सामान्य वर्ग काजें उमर की सीमा 30 बरस रखी गई है।
- . SC/ST वर्ग काजें उमर की सीमा 35 बरस है।
- . आवेदक ग्रेजुएट और पोस्ट ग्रेजुएट हौनौ चहियै।
- . परिवार की सालाना आमदनी 2 लाख से ज्यादा ना हौनी चहियै।
- . या योजना काजें वही आवेदन करै जानै पहलें नौकरी ना करी हो।
- . युवक और युवतियां दोनूं आवेदन कर सकते हैं।

जरूरी कागज

- . 12 वीं की मार्क सीट
- . इस्नातक परिक्षा की अंकतालिका
- . जाति पिरमान पत्तर
- . बैंक खाते की पासबुक
- . E-mail ID और फोन नंबर हौनौ जरूरी है।
- . आय पिरमान पत्तर

आवेदन करबे कौ तरिका

जरूरी कागज लैकें नजदीक ई-मित्तर की दुकान पर आवेदन करे।
युवक काजें 3000 रुपईया और युवतीन काजें 3500 रुपईया मिलेगा।



पहेली

1. अक्क चले ना वक्क चले, चले कमर कस या बात कौ अर्थ बतादै रुपइया दुंग्गौ दस।

उत्तर- सूत कातने का चरखा

2. नैकसीसी तलईया यामै तिल घुसै ना राई, हाती पीगे घोडा पीगे, पीगे लोग लुगाई।

उत्तर- भैंस का थन।

कहानी

खट्टा

एक बेर कछू सिकारी एक बकरा के पीछें परगे तौ बकरा दौड लगाकें अंगूर के बाग में घुस गयौ। वहां एक घनी लम्बी बेल के पीछें छुपगौ। जाते कि सिकारी बाय ढूंढ ना पामैं। सिकारी वापिस लौट गे। बकरा नै जब देखौ कि सिकारी वापिस चलेगे तौ बू पेड के नीचे ते निकर आयौ और पेड की पत्ती खाबे लगगौ। कछू देर में ही हरौ-भरौ पेड ही बरबाद है गयौ। सिकारी जादा दूर तक ना गये। उनै पत्तीन की सरसराहट की अवाज सुनी। सिकारीनै घूमकें देखौ तौ पेड की बेलन में हलचल है रई। वे दुबारा बकरा ऐ ढूंढबे आये तौ उनै बकरा मिलगौ। बे बाय पकडकें लैगे। बकरा कूं ईयई दंड काफियौ क्योंकि बकरा नै ऊई पेड खतम करौ जानै बाकी रक्छा की थी।

दोहा

1- सांचे कूं सांचौ मिलैं, अधिक बढै प्यार ।

झूठे कूं सांचौ मिलैं, तड़ दे टूटे प्यार ॥

अर्थ :- सत्य बोलने वाले को सत्य बोलने वाला मनुष्य मिलता है तो उन दोनों के मध्य अधिक प्रेम बढ़ता है किन्तु झूठ बोलने वाले को जब सच्चा मनुष्य मिलता है तो प्रेम अतिशीघ्र टूट जाता है क्योंकि उनकी विचार धारायें विपरीत होती है।

2- राजपाट धन पायके, क्यों करता अभिमान

पडोसी की जो दसा, सो अपनी जान ॥

अर्थ :- राज पाट सुख सम्पत्ती पाकर तू क्यों अभिमान करता है। मोहरूपी यह अभिमान झूठा और दारुण दुःख देणे वाला है। तेरे पडोसी जो दशा हुई वही तेरी भी दशा होगी अर्थात् मृत्यु अटल सत्य है। एक दिन तुम्हें भी मरना है फिर अभिमान कैसा?

चुटकला

1. एक बईयर अपने छोरा ते बोली अपने मामा में चपत लगाते हुये तोय सरम ना आई। बानै नै अपने छोरा में डाट दई। छोरा बोलौ मम्मी मैने तौ चपत ही लगाई है। भगवान किरस्न नै तौ अपनौ मामा जान तेई मार डारौ।

2. एक बिखारी नै दरबज्जे पै आकें अवाज लगाई-दाता के नाम पै रोटी दैदो। भीतर ते अवाज आई- मम्मी घर पै नाय। यापै बिखारी बोलौ-मैं रोटी मांग रंऊ, तुम्हारी मम्मी नाय।

भजन

टेक- मेरे तनक पकर लै हात सिढयन पै चढा लै गिरधारी

1.मेरी आंख बिरज की हारी हैं मैंने दरसन कर दिन-रात

मेरे तनक पकर लै हात सिढयन पै चढा लै गिरधारी

2.मेरे हात बिरज के हारे हैं मैंने दान करे दिन-रात

मेरे तनक पकर लै हात सिढयन पै चढा लै गिरधारी

3.मेरे कान बिरज के हारे हैं मैंने गीता सुनी दिन-रात

मेरे तनक पकर लै हात सिढयन पै चढा लै गिरधारी

4.मेरे पांम बिरज की हारे हैं मैंने परिकम्मा दर्ई दिन-रात

मेरे तनक पकर लै हात सिढयन पै चढा लै गिरधारी

5.मेरी काया बिरज की हारीयै मैंने दंडौती दर्ई दिन-रात

मेरे तनक पकर लै हात सिढयन पै चढा लै गिरधारी

लोक-गीत

1.छोरा तू एम ए मैं बी ए पढी चल सादी करलैं दोनों जने

छोरा पापा तौ मेरौ मनै करै चल मम्मी को मनालैं दोनूं जने

2. छोरा तू एम ए मैं बी ए पढी चल सादी करलैं दोनों जने

छोरा ताऊ तौ मेरौ मनै करै चल ताईयै मनालैं दोनूं जने

3. छोरा तू एम ए मैं बी ए पढी चल सादी करलैं दोनों जने

छोरा चाचा तौ मेरौ मनै करै चल चाची को मनालैं दोनूं जने

4. छोरा तू एम ए मैं बी ए पढी चल सादी करलैं दोनों जने

छोरा भईया तौ मेरौ मनै करै चल भाभीयै मनालैं दोनूं जने

मुहावरा

1. चुंगल में फसगौ।

अर्थ- किसी के काबू में होना।

2. चुल्लू भर पानी में डूबकें मर जानौ चहियै।

अर्थ- बहुत शर्मिन्दा होना।

कहावत

1.करै कोई और भरै कोई।

अर्थ- गलती करनेवाले को सजा न देकर किसी और को देना।

2.बेटा और लोटा बाहर ही चमकै।

अर्थ- जैसे लोटे का बाहरी भाग चमकता है वैसे ही पुत्र घर के बाहर नाम रोशन करता है यानि इज्जत पाता है।

**जीनौ ऐसैं चहियै
जैसै तुम कल ही
मरबे बारे हों।
और सीखनौ ऐसैं
चहियै जैसैं तुम
सदां जीबे बारे
हों।**

सम्पर्क

निर्माण सोसायटी

सहारई रोड, ब्लू बर्ड स्कूल के पास,

डीग, भरतपुर, राजस्थान- 321203

Ph.-05641- 224424, 9587593455

Email-rajasthanlanguages@nirmaan.org.in

Web.-www.nirmaan.org.in